

Hymn. 1.
O Rbe qui, Præ-sul, ce-lebrá-ris omni, Omni-um
vo-tis, et honó-re dignus; Te pi-æ mentis stú-di-o pe-
rén-ni Hic ca-nit hymnus.

Véstibus donas própriis egéntem,
dum riget totis fera bruma castris,
quas ad ornátum sibi vult decéntem
Christus in astris.

Iam status sordet tibi militáris,
et calet pectus melióre flamma:
tu sacer Christo sacra destináris
miles ad arma.

Hoste cum multo subeúnda pugna,
Mille cum monstris, vitiísque mille;
ne qua commíssum fériat málgna
pestis ovíle.

Tu simul morbis medicína cunctis,
cómprimis mortem, retinésque vinctam,
et potes rursus túmulo sepúltis
réddere vitam.

Trínitas, unum veneránda numen,
da tuæ laudis decus ad perénne,
dulce Martíni celebráre nomen
tempus in omne. Amen.